



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Innocentio XI. Ad Innocentium XII.

Luxemburgi, MDCCXLI.

30. Quoniam in proseguendo &c. Facultas pro DD. S.R.E. Cardinalibus in
Adjutores Visitationis Ecclesiarum, & Locorum piorum Urbis assumptis, &
aliis personis quibuscumque immiscendi se criminalibus ...

[urn:nbn:de:hbz:466:1-74849](https://nbn-resolving.org/urn:nbn:de:hbz:466:1-74849)

quavis causa subjectis, Altaria, ac ipsamet Ecclesias consecrare, aut illa, vel easdem Ecclesias, aut illis annexa reconciliare, seu etiam Cœmeteria, Campanas, Calices, Patenas, Cruces, indumenta, & ornamenta Ecclesiastica quaecumque, & aquam, ut moris est, benedicere, Sacramentum Confirmationis, quod ex ritu in Visitatione ministrari consuevit, quibus, ubi, quando, & quoties illis, seu cuilibet eorum expedire videbitur, ministrare, Sacrosanctum quoque Missæ Sacrificium, nec non Vesperas, & quaecumque alia divina Officia solemniter, & Pontificali ritu in Ecclesiis, & locis, in quibus illi id ad maiorem animarum consolationem, spiritualeque profectum, & ad ipsam etiam, quam intendimus, reformationem inducendam pertinere iudicaverint, celebrare, & decantare, Verbi Dei Prædicationes, & Conciones ad Dei amorem, & timorem in cordibus fidelium excitandum, & accendendum publice ad Clerum, & Populum, seu aliàs privatim, prout occasio, & necessitas postulat, habere, aliaque omnia, & quaecumque munia Pontificalia, etiam quæ notam, aut expressionem requirerent magis specialem, & sub generali huiusmodi concessione non comprehenduntur, etiam erga personas alioquin habiles, & idoneas exercere, etiam nullo alio à Nobis expectato, aut requisito mandato, liberè & licitè valeant.

§. 2. Non obstantibus Constitutionibus, & Ordinationibus Apostolicis, ac in Conciliis, etiam Generalibus editis, dictarumque Ecclesiarum, Monasteriorum, Ordinum, Congregationum, Militiarum, Hospitalium, aut Domorum, etiam iuramento, confirmatione Apostolica, vel quavis firmitate alia roboratis Statutis, & Consuetudinibus, Privilegiis quoque, Indultis, & Litteris Apostolicis in contrarium præmissorum quomodolibet concessis, confirmatis, & innovatis, cæterisque contrariis quibuscunque. Datum Romæ apud S. Petrum sub Annulo Piscatoris die 16. Januarii 1693. Pontificatus Nostri Anno Secundo.

J. F. Card. Albanus.

XXIX.

Facultas pro DD. S. R. E. Cardinalibus in Adju-
tores Visitationis Ecclesiarum, & Locorum pio-
rum Urbis assumptis avocandi ad se causas occa-
sione Visitationis huiusmodi pendentes, nec non
transferendi celebrationem Missarum ab Altari-
bus, ad quæ ob earum multitudinem non pos-
sunt celebrari, ad alia Altaria.

Venerabilibus Fratribus Nostri S. R. E. Cardinalibus
pro Visitatione Ecclesiarum, & Locorum piorum Al-
mæ Urbis à Nobis instituta specialiter deputatis.

INNOCENTIUS PAPA XII.

Venerabiles Fratres Nostri salutem, & Apostol. be-
nedictionem.

Uterior
facultas
Cardinali-
bus Visita-
toribus a-
vocandi à
quibuscun-
que Judici-
bus causas
occasione
Visitatio-
nis pen-
dentes.

§. 1. **U**T in prosequendo Visitationis Ecclesia-
rum, & piorum Locorum Almæ Ur-
bis Nostre munere, ad quos Vos specialiter ex Sa-
cro Venerabilium Fratrum Nostrorum Sanctæ Ro-
mæ Ecclesiæ Cardinalium Collegio delegimus,
Causæ occurrentes, omni qua fieri potest celerita-
te, iustitia mediante, terminentur, quantum cum
Domino possumus, providere volentes; Moru
proprio, ac ex certa scientia Nostra ultra
alias facultates per diversas Nostras in simili forma
Brevis expeditas Literas Vobis attributas, ut om-
nes, & singulas Causas occasione Visitationis hu-
iusmodi coram quibuscunque Judicibus tam Or-
dinariis, quam Delegatis pendentes, & etiam in-
structas, in statu, & terminis, in quibus reperiun-
tur, cum omnibus, & singulis earum incidentibus,

dependentibus, emergentibus, annexis, & con-
nexis, totoque negotio principali ad Vos auctoritate
Nostra avocare, illasque summarie, simpliciter, &
de plano, sine strepitu, & figura Judicii, solâ
facti veritate inspectâ, & manu Regia audire, cognos-
cere, & sine debito, prout juris fuerit, terminare.

§. 2. Præterea, ubi contigerit, alicui Altaris etiam
pro defunctis privilegiato, seu Capellæ tam ma-
gnæ Missarum celebrandarum numerum ex va-
riis defunctorum legatis impositum esse, ut sin-
gulis diebus præscriptis nequeat illis satisfieri, quid-
quid magis ad Dei honorem, Ecclesiarum utilita-
tem, salutemque animarum eorum, qui legata
pia reliquerunt, etiam per translationem partis
Missarum huiusmodi ad aliud Altare, seu Altaria,
etiam non privilegiata, videritis expedire, re tamen
diligenter perspectâ, statuere, & ordinare, ut in
eisdem Altaribus commodius, ac plenius pia de-
functorum voluntati satisfiat, ita quod Missæ ad alia
Altaria huiusmodi, ad quæ illarum celebrationem
transfuleritis celebratæ, illis pro quibus celebra-
buntur, perinde suffragentur, ac si ad Altaria pri-
vilegiata, seu aliàs juxta eorumdem defunctorum
voluntates celebratæ fuissent, cæteraque omnia, &
singula in præmissis, & circa ea necessaria, seu
quomodolibet opportuna, etiam si talia sint, vel
fuerint, quæ magis specialem, specificam, & ex-
pressam requirerent mentionem, facere, dicere, ge-
rere, & exequi liberè, & licitè possitis, & valea-
tis, Apostolica auctoritate tenore præsentium, ple-
nam, & amplam facultatem concedimus, & im-
partimur.

§. 3. Non obstantibus Constitutionibus, &
Ordinationibus Apostolicis, ac dictorum defunctorum,
etiam ultimis voluntatibus, quas quoad præ-
missa sufficienter, & expressè commutamus, nec non
Nostre, & Cancellariæ Apostolicæ regulâ de non
concedendis Indulgentiis ad instar, cæterisque con-
trariis quibuscunque. Datum Romæ apud S. Pe-
trum sub Annulo Piscatoris die 16. Januarii 1693
Pontificatus Nostri Anno Secundo.

J. F. Card. ALBANUS.

Facultas pro DD. S. R. E. Cardinalibus in Adju-
tores Visitationis Ecclesiarum & Locorum piorum
Urbis assumptis, & aliis personis quibuscunque,
immiscendi se criminalibus ratione ejusdem Vi-
sitationis.

Venerabilibus Fratribus Nostri S. R. E. Cardinalibus
pro Visitatione Ecclesiarum, & Locorum piorum Al-
mæ Urbis à Nobis instituta specialiter deputatis.

INNOCENTIUS PAPA XII.

Venerabiles Fratres Nostri salutem, & Apost. bene-
dictionem.

§. 1. **Q**Uoniam in prosequendo munere Visita-
tionis Ecclesiarum, & piorum Loco-
rum hujus Almæ Urbis Nostre, ad quod Vos spe-
cialiter ex sacro Venerabilium Fratrum Nostrorum
S. R. E. Cardinalium Collegio delegimus, facile
contingere poterit, ut aliqua negotia criminalia per-
tractanda sint, Nos conscientiarum, ac status
vestrorum securitati opportunè providere volen-
tes, Vobis, & cuilibet vestrum, ut tam conjun-
ctim, quàm divisim durante huiusmodi Visitatione,
& illius occasione dumtaxat, quascumque
querelas, aculationes, denuntias, contra quas-
cumque personas, tam Ecclesiasticas, Seculares,
vel Regulares, quàm Laicas cujuscumque status,
gradus, dignitatis, & præeminentiæ existentes,
recipere, & audire, causasque exinde, aut aliàs
quomodolibet ex dicta Visitatione, vel illius cau-

Providen-
di plurali-
tati Missarum in eo-
dem Altari-
bus etiam
per trans-
lationem.

Deroga-
tiones.

D. 16. Ja-
nuarii 1693
P. A. 2.

XXX.

Facultas
recipiendi
querelas,
& accula-
tiones Vi-
sitationis.

1693.

Cognoscendi causas etiam criminales

Præservatio ab irreverentia.

Etiam pro aliis qui in hoc quomolibet se ingesserint

Derogationes.

Dat. 16. Jan. 1693. P. A. 2.

XXXI.

Exordium à causa finali celebrationis executionis.

Deputatio iudicem & Executorem Visitationis.

sa emergentes, tam Ecclesiasticas, quam profanas, ac tam civiles, quam criminales, & mixtas, si vè ad Procuratoris Fisci, si vè ad aliorum quorumcumque instantiam, aut ex Officio audire, cognoscere, quandoque Nobis referre, & Nobiscum communicare, ac juxta mandata nostra, seu alias, prout Justitia sua fuerit, & ordo dictaverit rationis, illas decidere, & terminare, aliasque in illis vos immiscere, sine aliquo conscientie scrupulo, aut censurarum Ecclesiasticarum, vel etiam irregularitatis incursum, etiam si inde sanguinis effusio, membrorumque mutilatio, aut etiam ultimi supplicii poena infligenda venerit, dummodo vos ipsos à sententia sanguinis per vos ipsos ferenda abstinere, liberè, & licite valeatis, licentiam concedimus, & indulgemus.

§. 2. Utque liberius ab omnibus denunciationibus, querelæ, & accusationes, ac causæ quæcumque ad dictam Visitationem pertinentes deferri possint, omnibus similiter, & singulis personis, tam Laicis, quam Clericis, etiam in Sacris, & Presbyteratus Ordinibus constitutis Secularibus, & quorumvis Ordinum, Congregationum, & Instituti Regularibus, quavis etiam Episcopali, vel majori Ecclesiastica, vel mundana dignitate, vel præeminentiâ fulgentibus, qui in actu ejusdem Visitationis, seu alias illius occasione aliquid quod ad prædictas causas pertineat, per viam denunciationis, querelæ, vel accusationis palam, vel occultè, sponte, vel ad aliorum etiam Procuratoris Fisci instantiam in iudicio, vel extrâ iudicium revelaverint, aut in præmissis testimonium dixerint, vel aliquid propterea scripserint, subscripserint, indicaverint, vel interrogati responderint, vel ad reos detegendos, convincendos, capiendos, custodiendos, puniendos, indicia, votum, consilium, auxilium, vel favorem per se, vel alium directè, vel indirectè præstiterint, si vè tanquam Judices Ordinarii, vel Delegati, Custodes, Scribæ, Testes, Tabelliones, Consultores, Procuratores, Advocati, seu alias se in præmissis quomodolibet ingesserint, ut nullam propterea poenam, vel censuram Ecclesiasticam, aut irregularitatis notam incurrant, concedimus pariter, & indulgemus.

§. 3. Non obstantibus Generalis Concilii, atque aliis Constitutionibus, & Ordinationibus Apostolicis, ac quibuscumque Ordinibus, & Monasteriis, atque Ecclesiis, & aliorum piorum Locorum quorumcumque, etiam juramento, confirmatione Apostolica, vel alia quavis firmitate roboratis, statutis, & consuetudinibus, cæteris que contrariis quibuscumque. Datum Romæ, apud S. Petrum sub Annulo Piscatoris die 16. Januarii Pontificatus Nostri Anno Secundo.

J. F. Card. ALBANUS.

Deputatio Judicis Causarum, & Executoris Decretorum Visitationis Apostolicæ.

Venerabili Fratri Sperello Episcopo Interamensi.

INNOCENTIUS PAPA XII.

Venerabilis Frater salutem, & Apost. benedictionem.

§. 1. **U**T ea, quæ in Visitatione Ecclesiarum Almar Urbis Nostræ à Nobis, seu S. R. E. Cardinalibus, in Adjuutores Visitationis hujusmodi per Nos specialiter assumptis, salubriter decreta erunt, debitæ executioni quamprimum demandentur, & controversiæ illius occasione, præsertim inter personas Ecclesiasticas, quaslitium dispendiis à Dei servitio avocari minime decet, ad nostram audientiam deducendæ, quantocius terminentur; Te, de cuius probitate, & doctrina plurimum in Domino confidimus, Judicem Causarum, & Executorem Decretorum Visitationis prædictæ auctoritate Apostolica tenore præsentium constituimus, & deputamus; Dantes tibi plenam, & liberam facultatem, quæ à Nobis, & Cardinalibus prædictis in eadem Visitatione decre-

ta, statuta, & ordinata erunt, exequi, & observari faciendi, contra inobedientes, aut negligentes, necnon cujuscumque criminis, occasione dictæ Visitationis detecti, reos, & delinquentes, eorumque complices, & fautores cujuscumque Status, Dignitatis, Ordinis, & conditionis fuerint, per viam accusationis, querelæ, vel denunciationis, etiam summarie, simpliciter, & de plano, sine strepitu, & figura Judicii, sola facti veritate inspecta, inquirendi, & procedendi, reosque, prout Canonice requirunt sanctiones, & alias nostro, seu eorundem Cardinalium arbitrio, puniendi, ac tam super præmissis, quam etiam alias quascumque in eadem Visitatione, aut etiam antea, per Nos tamen tibi iam absque speciali commissione commitendas Causas Ecclesiasticas, vel profanas, civiles, criminales, aut mixtas inter Capitula, Conventus, Collegia, Universitates, Confraternitates, Archiconfraternitates, eorumque Superiores, ac singulares personas Ecclesiasticas, Seculares, vel cujusvis Ordinis etiam Mendicantes, Regulares, etiam exemptas, & quovis Privilegio, vel immunitate suffultas, etiam Nobis, & Apostolicæ Sedi immediate subiectas, seu etiam inter Laicos motas, & movendas, cum earum omnibus incidentibus, emergentibus, annexis, & connexis, etiam summarie, simpliciter, & de plano, & alias, ut præfertur, terminis substantialibus, unico contextu, vel etiam non servatis, sed illorum loco præfixo termino arbitrio tuo, & de ejusdem Visitationis mandato procedendo, audiendi, ac sine debito terminandi, & ad hunc, cæterorumque contingentium effectum, quoscumque etiam per Edictum publicum, consilio summarie, & extrajudicialiter de non tuto accessu, citandi, & monendi, eisque, ac quibusvis Judicibus, & cæteris personis, quibus, & quoties opus fuerit, etiam per simile edictum, ac etiam sub censuris, & poenis Ecclesiasticis, necnon pecuniariis tuo arbitrio moderandis, & applicandis, inhibendi, contra inobedientes quoscumque censuras, & poenas, ipsas etiam iteratis vicibus aggravandi, auxiliumque brachii secularis invocandi, mandata, prohibitiones, inhibitiones, & monitoria, etiam sub censuris, & aliis poenis prædictis, cæterisque tibi benevisis remediis, omni, & quacumque appellatione postposita, decernendi, omniaque in præmissis, & circa ea necessaria, & quomodolibet opportuna faciendi, mandandi, & exequendi, etiam quæ expressionem requirerent magis specialem, & sub generali concessione non venient, dummodo inconsultis Nobis, aut Cardinalibus prædictis, & nisi de eorum voto in aliquo præmissorum non procedas, nec sententiam feras, aut quicquam exequaris, nec te in aliquo immisceas.

§. 2. Non obstantibus Constitutionibus, & Ordinationibus Apostolicis, ac quorumcumque, etiam Patriarchalium Ecclesiarum, Monasteriorum, Domorum, & Ordinum, Confraternitatum, Archiconfraternitatum, Congregationum, & Hospitalium, etiam juramento, confirmatione Apostolica, vel quavis firmitate alia roboratis Statutis, & Consuetudinibus, Privilegiis quoque, Indultis, & Litteris Apostolicis, illis, earumque Superioribus, & personis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plenè, & sufficienter expressis, & insertis habentes, illis alias in suo obsequio permanentis, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque. Datum Romæ apud Sanctum Petrum sub Annulo Piscatoris, die 7. Februarii M. DC. XCIII. Pontificatus Nostri Anno Secundo.

J. F. Cardinalis Albanus.

Facultas Congregationi, & Judici Sacre Visitationis Apostolicæ standi simplici indicationi scripturarum, & Jurium in Tribunalibus, Archiviis, & Notariorum Officiis Urbis existentium, ac dicto Judici procedendi absque Voto ejusdem Congregationis usque ad sententiam exclusivè.

1693.

Appellatione postposita.

Non procedit nisi consulto Pontifice, aut Cardinalibus Visitationibus.

Derogationes.

Dat. 7. Februarii 1693. P. A. 2.

XXXII.